



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ავგარობი

ავგარობი, ქალაქდზე დანერილი შელოცვა, სამკურნალო ხასიათის ლოცვა (შელოცვის, ლოცვის ფრაგმენტი).

ატარებდნენ მკერდზე ჩამოკიდებულს, სამკუთხედის ფორმის ხავერდის, ტყავის ნაჭერში გამოკრულს ან პატარა გრაგნილის სახით. დაკავშირებულია ქ. ედისის მთავარ ავგარობ I-ის სახელთან. გადმოცემით, ავგარობ I ქრისტეს დროს ცხოვრობდა. იგი უკურნებელი სენით, კეთრით, იყო დაავადებული. სასონარკვეთილმა წერილი მისწერა ქრისტეს და დახმარება სთხოვა. ქრისტემ პასუხი გაუგზავნა. ავგარობმა ქრისტეს წერილი უბეში ჩაიღო და სასწაულებრივ განიკურნა.

ავგარობისა და ქრისტეს მიმონწერა პოპულარული იყო მთელ ქრისტიანულ სამყაროში. მას ავადმყოფობისაგან დამცველ სასწაულმოქმედ ძალას მიაწერდნენ. შუა საუკუნეების საქართველოში ა. წარმოადგენდა წიგნად აკინძულ ან გრძელ ქალაქდზე (ინახავდნენ გრაგნილის სახით) დანერილ, ძირითადად ბასილი დიდისა და იოანე ოქროპირის სამკურნალო ხასიათის ლოცვებს; მათ წინ უძღოდა ან ბოლოში ერთვოდა ქრისტესა და ავგარობის მიმონწერა (მიმონწერის ფრაგმენტი). აპოკრიფის ორი ვერსია ქართულად თარგმნეს ექვთიმე მთაწმიდელმა (X ს. ბოლო – XI ს. დასაწყ.) და გიორგი მთაწმიდელმა (XI ს. II ნახ.).

ა-ებს ხალხში სასულიერო პირები ავრცელებდნენ.

ნ. მინდაძე
